



PROGRAM RADA

AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE ZA 2023. GODINU

Istočno Sarajevo, septembar 2022. godine

Sadržaj

1) UVOD	3
2) PLANIRANE AKTIVNOSTI AGENCIJE U 2023. GODINI PO ORGANIZACIONIM JEDINICAMA.....	4
a) Sektor za prevenciju korupcije	4
b) Sektor za koordinaciju borbe protiv korupcije	7
c) Sektor za pravne, kadrovske, opće i finansijsko-materijalne poslove	8
d) Odjeljenje za sukob interesa / Ured Komisije za odlučivanje o sukobu interesa	9
e) Odjeljenje za podršku	9
3) PROGRAMSKI CILJEVI ZA 2023. GODINU	10
4) TABELARNI PREGLED PROGRAMSKIH CILJEVA ZA 2023. GODINU	11

1) UVOD

Agencija za prevenciju korupcije i koordinaciju borbe protiv korupcije (u daljem tekstu: Agencija) osnovana je Zakonom o Agenciji za prevenciju korupcije i koordinaciju borbe protiv korupcije („Službeni glasnik BiH“ broj: 103/09 i 58/13) (u daljem tekstu: Zakon o Agenciji) kao nezavisna i samostalna upravna organizacija koja za svoj rad odgovara Parlamentarnoj skupštini Bosne i Hercegovine. Agencija je osnovana s ciljem prevencije uticaja korupcije na razvoj demokratije i poštivanja osnovnih ljudskih prava i sloboda, kao i sprječavanja uticaja na podrivanje ekonomskog i privrednog razvoja Bosne i Hercegovine, te u cilju koordinacije borbe protiv korupcije.

U 2023. godini Agencija će pored ispunjavanja zakonom propisanih nadležnosti, nastaviti pratiti efekte primjene zakona i podzakonskih akata iz oblasti prevencije korupcije, inicirati aktivnosti u vezi sa izmjenama i dopunama postojećih zakonskih rješenja, te davati mišljenja na nacрте zakona u skladu sa Jedinственим pravilima za izradu pravnih propisa u institucijama BiH i Zakonom o Agenciji za prevenciju korupcije i koordinaciju borbe protiv korupcije.

Pružanje pomoći prilikom izrade i provođenja planova integriteta u institucijama sa javnim ovlaštenjima jeste kontinuirana zadaća Agencije. S tim u vezi, Agencija će nastaviti sa pružanjem podrške na izradi planova integriteta u javnim institucijama na svim nivoima upravne strukture u Bosni i Hercegovini, javnim preduzećima kao i njihovoj provedbi te unapređenju mehanizama za praćenje provođenja mjera predviđenih kroz usvojene planove integriteta.

Nadalje, Agencija će nastaviti i sa aktivnostima usmjerenim na „digitalizaciju antikorupcije“ kroz pripremu idejnog rješenja unificiranja aplikativnih rješenja posvećenih prijavi korupcije i zaštiti prijavitelja, kao i digitalizaciju procesa izrade planova integriteta i izvještavanja o njihovom provođenju (unapređenje, dogradnja i puštanje u rad CRA aplikacije).

Kada je u pitanju međunarodna i regionalna saradnja u 2023. godini Agencija će nastaviti aktivno participirati u koordinaciji međunarodne i regionalne saradnje, saradnje sa organizacijama civilnog društva koje djeluju u oblasti antikorupcije u BiH, posebno u primjeni međunarodnih standarda i mjera za borbu protiv korupcije, utvrđenim u međunarodnim konvencijama i organizacijama čija je BiH članica. Agencija će raditi na ispunjavanju obaveza iz preporuka iz Mišljenja Evropske komisije, a koje se odnose na djelokrug ove institucije kao i na razvoju edukativnih programa. U tom smislu, posebno je važna saradnja sa nadležnim organima na ispunjavanju preporuka Vijeća Evrope – GRECO, kao i obavezama u vezi sa implementacijom Konvencije UN za borbu protiv korupcije (UNCAC), i članstvu u CAN, OECD i RAI. Također, bavit će se prikupljanjem i analizom statističkih podataka iz oblasti prevencije korupcije, te poduzimanju aktivnosti u vezi podizanja javne svijesti o štetnosti korupcije.

Agencija će fokus svog djelovanja staviti i na nastavak standardizacije procesa strateškog planiranja antikorupcijskih politika u BiH. Pored navedenog, posebna pažnja biće posvećena pružanju stručne podrške procesu daljnjeg normativnog pozicioniranja i profesionalnog profiliranja tijela za sprječavanje korupcije na svim nivoima vlasti u BiH. Biće nastavljene i aktivnosti na uspostavi efikasnog sistema za postupanje po podnescima sa indicijama koruptivnog ponašanja kao i aktivnostima usmjerenim na efikasnu provedbu Zakona o zaštiti lica koja prijavljuju korupciju u institucijama BiH.

Programom rada za 2023. godinu predviđa se niz specifičnih mjera i aktivnosti koje se odnose na podizanje svijesti kod građana i drugih društvenih aktera o korupciji, njenim modalitetima, posljedicama i načinima suprotstavljanja, uz jačanje povjerenja i saradnje između javnih institucija sa nevladinim sektorom, udruženjima novinara i medija, te akademskom zajednicom.

Podizanje javne svijesti građana o korupciji je potrebno razvijati u dva smjera: upoznavanje građana sa pojavnim oblicima i uzrocima korupcije i podizanje svijesti građana o njenoj štetnosti. Specifičnost postpandemijskog perioda daje široku paletu antikorupcijskih on-line alata u cilju prepoznavanja koruptivnih ponašanja i podizanja vidljivosti korupcije, te transparentnosti podataka, kroz edukaciju i podsticanje na aktivizam građana i omladine.

U svrhu obezbjeđivanja principa transparentnosti potrebno je obezbijediti proaktivnu transparentnost rada institucija, kao i trošenje budžetskih sredstava koji se dodjeljuju medijima i organizacijama civilnog društva.

Nastavit će i sa aktivnostima vezano za podizanje javne svijesti o štetnosti korupcije kao i unaprjeđivanja transparentnosti u svom radu, posebno kada je riječ o dostupnosti sadržaja na web stranici.

U cilju adekvatnog odgovora na sve poslove i zadatke koji pred njom stoje, Agencija će svoje djelovanje usmjeriti na jačanje svog položaja kao institucije BiH koja adekvatno, pravovremeno, profesionalno i zakonito ispunjava svoje nadležnosti uz uključenost i saradnju, kako domaćih i međunarodnih institucija, tako i organizacija civilnog društva, akademske zajednice i medija u BiH koje djeluju u oblasti antikorupcije.

2) PLANIRANE AKTIVNOSTI AGENCIJE U 2023. GODINI PO ORGANIZACIONIM JEDNICAMA

a) Sektor za prevenciju korupcije

Sektor za prevenciju korupcije će tokom 2023. godine svoj rad usmjeriti na aktivnosti vezane za pružanje pomoći pri izradi planova integriteta u javnim institucijama na svim nivoima upravljanja u BiH, te u javnim preduzećima, njihovoj provedbi kao i unapređenju mehanizama za praćenje provođenja mjera iz usvojenih planova integriteta. Usvajanjem navedenih dokumenata gradi se i jača institucionalni integritet. Uposleni unutar institucije su neraskidiva karika u lancu jačanja institucije. Stoga je potrebno insistirati i na jačanju ličnog integriteta uposlenih unutar institucija u BiH i to kroz održavanje periodičnih edukacija/radionica na temu jačanja lične etike i profesionalnog integriteta. S tim u vezi Agencija će organizovati edukacije/radionice na pomenute teme.

Agencija će nastaviti i sa aktivnostima usmjerenim na „digitalizaciju antikorupcije“ kroz pripremu idejnog rješenja unificiranja aplikativnih rješenja posvećenih prijavi korupcije i

zaštiti prijavitelja, kao i digitalizaciju procesa izrade planova integriteta i izvještavanja o njihovom provođenju (unapređenje, dogradnja i puštanje u rad CRA aplikacije).

Sa ciljem ispunjenja međunarodnih preporuka, ali i sa ciljem unapređenja načela transparentnosti, otvorenosti i javnosti u radu bh. institucija, planirano je da se tokom 2023. godine radi na uspostavljanju i unapređenju saradnje sa antikorupcijskim institucijama zemalja regiona, bh. institucijama, ali i organizacijama civilnog društva na promovisanju važnosti razvijanja i unapređenja metodologije za prikupljanje imovinskih podataka državnih službenika kao jednog od efikasnijih antikorupcijskih sredstava, ali i elemenata koji utiču na jačanje etičnosti i integriteta državnih službenika u BiH.

Fokus Sektora za prevenciju korupcije će biti i na praćenju efekata primjene zakona i podzakonskih akata iz oblasti prevencije korupcije, te davanje mišljenja i instrukcija o pitanju njihove primjene, iniciranje aktivnosti u vezi sa izmjenama i dopunama postojećih zakonskih rješenja i njihovo usklađivanje, te davanje mišljenja na nacрте zakona u skladu sa Jedinstvenim pravilima za izradu pravnih propisa u institucijama BiH i Zakonom o Agenciji za prevenciju korupcije i koordinaciju borbe protiv korupcije. U 2023. godini, Sektor za prevenciju korupcije će u skladu sa mogućnostim vršiti procjenu rizika od korupcije u propisima na način da će se obuhvatiti zakonski i podzakonski propisi u najširem mogućem smislu što podrazumijeva nacрте zakona i podzakonskih akata ali i već usvojene zakone na svim nivoima vlasti u Bosni i Hercegovini.

U 2023. godini Sektor za prevenciju korupcije će u domenu uključivanja cjelokupnog društva u borbi protiv korupcije se fokusirati na ostvarivanje saradnje sa domaćim naučnim i stručnim organizacijama, medijima i organizacijama civilnog društva antikorupcijskim tijelima po pitanju prevencije korupcije kroz zajedničke projekte, razmjenu međunarodnih iskustava, omogućavanje nevladinim organizacijama praćenje primjene planova integriteta i planova borbe protiv korupcije na svim nivoima u BiH, te razvoj ujednačenih smjernica za planirane saradnje u cilju postizanja veće efikasnosti. U narednom periodu potrebno je ojačati partnerstvo javnog i nevladinog sektora u provedbi projekata jačanja integriteta djece i omladine imajući na umu novonastalo hibridno okruženje u kojem se odvijaju procesi učenja i odgoja, te stručno usavršavanje direktnih sudionika obrazovnih procesa u Bosni i Hercegovini, prevashodno nastavnog kadra i edukacije roditelja. Jednom godišnje je planirano provođenje javnog poziva za učešće učenika u izradi radova na temu borbe protiv korupcije koje se provodi u saradnji Agencije i ministarstava obrazovanja u Bosni i Hercegovini. Sektor će razvijati odnose kooperacije i koordinacije sa tijelima za sprječavanje korupcije, nevladinim sektorom, akademskom zajednicom i medijima u cilju podizanja svijesti o pojavnim oblicima korupcije, štetnim posljedicama i mogućnostima suzbijanja korupcije kroz razvoj antikorupcijskih on-line alata i provođenje javnih kampanja sa ciljem jačanja moralnih vrijednosti za šta je neophodno ostvariti blisku saradnju sa javnim emiterima, ali i provoditi kampanje na društvenim mrežama kao jednom od veoma aktuelnih medijskih prostora današnjice. Po pitanju prevencije korupcije Sektor će uspostaviti saradnju sa medijima, nevladinim organizacijama, tijelima za sprječavanje korupcije, i institucijama sa javnim ovlaštenjima u BiH sa ciljem unaprjeđenja proaktivne transparentnosti u procesima dodjeljivanja finansijskih sredstava i njihovog utroška. U okviru unaprjeđenja transparentnosti potrebno je osigurati transparentnost vlasničke strukture medija u BiH poštujući važeći Zakon o zaštiti ličnih podataka. i razvijati dobre odnose sa

međunarodnim, regionalnim i drugim organizacijama koje u svom mandatu imaju prevenciju korupcije.

Također, će se baviti prikupljanjem i analizom statističkih podataka iz oblasti prevencije korupcije. Sektor za prevenciju korupcije planira i aktivnosti vezano za podizanje javne svijesti o štetnosti korupcije.

U vezi sa prethodno navedenim, Sektor za prevenciju korupcije će svoj rad usmjeriti na sljedeće programske aktivnosti:

- Unapređenje i jačanje saradnje sa nevladinim sektorom, medijima i akademskom zajednicom;
- Razmjena iskustava i prakse sa nevladinim sektorom, udruženjima novinara, medijima i akademskom zajednicom;
- Omogućiti nevladinom sektoru praćenje primjene planova integriteta i planova borbe protiv korupcije na svim nivoima upravne strukture u BiH;
- Provoditi antikorupcijske projekte tijela za sprečavanje korupcije u BiH i institucija sa antikorupcijskim nadležnostima u saradnji sa akademskom zajednicom i nevladinim sektorom;
- Kreirati ujednačene smjernice za saradnju sa akademskom zajednicom, medijima i nevladinim sektorom u definisanju politika za efikasnu borbu protiv korupcije u BiH;
- Kontinuirano pružanje pomoći institucijama prilikom izrade i provođenja planova integriteta;
- Nadzor nad provođenjem mjera iz usvojenih planova integriteta unutar institucija u BiH;
- Na osnovu dostavljenih izvještaja sačiniti i objavljivati zbirni izvještaj o stanju integriteta u institucijama;
- Unapređenje kulture integriteta i etičnosti u institucijama u BiH održavanjem periodičnih edukacija;
- Ažuriranje aplikativnog softvera za elektronsku izradu planova integriteta u institucijama (CRA aplikacija) te upoznavanje koordinatora integriteta i drugih zainteresiranih osoba u institucijama vezano za praktičnu primjenu CRA alata.
- Razvijanje i promovisanje metodologije za prikupljanje podataka o imovinskim podacima državnih službenika te unapređenje i jačanje saradnje u navedenoj oblasti sa relevantnim domaćim institucijama (Agencija za državnu službu, Agencija za zaštitu ličnih podataka, VSTV, Sud BiH, Tužilaštvo BiH) te međunarodnim organizacijama i zemljama regiona;
- Stručno usavršavanje nastavnog kadra u oblasti antikorupcije, jačanja etike i integriteta kroz održavanje edukacija i sastanaka;
- Provođenje javnog poziva za učešće učenika na takmičenju za najbolje likovne i literarne radove, objavljivanje najboljih radova na promotivnim materijalima Agencije;
- Povećanje vidljivosti Agencije otvaranjem profila na društvenim mrežama, provođenjem antikorupcijskih kampanja, uspostavljanjem saradnje sa javnim emiterima u cilju prikazivanja programa iz oblasti etike i integriteta;

- Unapređenje proaktivne transparentnosti uspostavljanjem jasnih kriterija za dodjelu finansijskih sredstava iz budžeta medijima i nevladinim organizacijama te saradnja sa relevantnim bh. institucijama, povećanje transparentnosti vlasničke strukture medija u Bosni i Hercegovini u saradnji sa Regulatornom agencijom za komunikacije i Ministarstvom za saobraćaj i komunikacije
- Jačanje antikorupcijskih mehanizama kroz davanje mišljenja na propise u skladu sa definisanom metodologijom i Jedinstvenim pravilima za izradu pravnih propisa, iniciranje i izmjena antikorupcijskih zakona te prikupljanje, analiza i objavljivanje statističkih podataka iz navedene oblasti;
- Praćenje i provođenje preporuka međunarodnih organizacija i institucija za borbu protiv korupcije, slanje povratnih informacija o provođenju preporuka, koordinacija aktivnosti i učešće u projektima, aktivnostima i događajima u cilju ostvarivanja međunarodne i regionalne saradnje;
- Prikupljanje informacija, analitička obrada te redovno izvještavanje međunarodnih organizacija i institucija o napretku iz oblasti borbe protiv korupcije.

b) Sektor za koordinaciju borbe protiv korupcije

Sektor za koordinaciju borbe protiv korupcije će i u 2023. godini fokus svog djelovanja staviti na nastavak standardizacije procesa strateškog planiranja antikorupcijskih politika u BiH s posebnim osvrtom na djelovanje u sektorskom okruženju uz naglasak na uspostavi efikasnih mehanizama koordinacije borbe protiv korupcije i na lokalnom nivou.

Pored navedenog, posebna pažnja biće posvećena pružanju stručne podrške i pomoći procesu daljnjeg normativnog pozicioniranja i profesionalnog profiliranja tijela za sprječavanje korupcije na svim nivoima vlasti u BiH, jačanju njihovih kapaciteta, uspostavi mehanizama uzajamnog izvještavanja i monitoringa provedbe antikorupcijskih politika u BiH.

Biti će nastavljene i aktivnosti na uspostavi efikasnog sistema za postupanje po podnescima sa indicijama koruptivnog ponašanja te aktivnosti usmjerene na efikasnu provedbu Zakona o zaštiti lica koja prijavljuju korupciju u institucijama BiH kao i stručna podrška razvoju efikasne zaštite prijavitelja korupcije na svim nivoima vlasti u BiH. Sektor će aktivno participirati u koordinaciji međunarodne i regionalne saradnje Agencije, kao i saradnje sa organizacijama civilnog društva koje djeluju u oblasti antikorupcije u BiH, a posebno kroz jačanje sinergije vladinog i nevladinog sektora u provedbi Konvencije Ujedinjenih naroda protiv korupcije (UNCAC) u BiH, GRECO preporuka kao i ostalih međunarodnih standarda u ovoj oblasti.

S tim u vezi, Sektor za koordinaciju borbe protiv korupcije biti će fokusiran na provedbu sljedećih programskih ciljeva:

- Jačanje mehanizama koordinacije borbe protiv korupcije (uspostava efikasnog sistema izvještavanja i razmjene informacija, ustupanje i razmjena alata i najboljih praksi u oblasti sprječavanja korupcije i to između Agencije, tijela za sprječavanje korupcije u BiH i nadležnih institucija sa javnim ovlaštenjima na svim nivoima vlasti u BiH), te razvoj i provedba antikorupcijskih politika u BiH;

- Provedba mehanizama za efikasno postupanje u vezi sa prijavama korupcije i zaštitom prijavitelja;
- Ispunjavanje preporuka iz domena međunarodnih obaveza BiH iz oblasti borbe protiv korupcije;
- Saradnja sa organizacijama civilnog društva u cilju provedbi zajedničkih aktivnosti vezanih za prevenciju korupcije.

c) Sektor za pravne, kadrovske, opće i finansijsko-materijalne poslove

U 2023. godini, kroz efikasnije planiranje kratkoročnih ciljeva zaposlenih u Agenciji, želi se postići veća efikasnost, pravovremenost i kvalitet u poslovanju Agencije, kao i efikasnija kontrola i mogućnost poboljšanja i otklanjanja uočenih nedostataka na osnovu analize izvršenja postavljenih ciljeva.

Akcentat će biti na stvaranju odgovarajućih preduslova i pretpostavki za što efikasniji rad svih organizacionih jedinica u Agenciji u cilju provođenja zakonskih nadležnosti.

Sektor za pravne, kadrovske, opšte i finansijsko-materijalne poslove preduzimaće aktivnosti na što svrsishodnijem korišćenju svih mogućnosti koje pruža uspostavljeni ISFU sistem, prije svega na jačanju interne kontrole trošenja budžetskih sredstava.

Takođe, preduzimaće se sljedeće aktivnosti:

- iznalaženje trajnog rješenja za odgovarajući i svrsishodan poslovni prostor, u skladu sa postojećim potrebama, a naročito sa brojem izvršilaca planiranim u prijedlogu nove sistematizacije radnih mjesta, jer je to preduslov za zapošljavanje i smještaj novih izvršilaca,
- planiranje, realizacija i usavršavanje procesa javnih nabavki prema važećem Planu nabavki, u skladu sa Zakonom o javnim nabavkama,
- iznalaženje adekvatnog rješenja vezano za problem skladištenja arhivske građe, u cilju optimalnog smještaja i čuvanja osnovnih sredstava van upotrebe, održavanja i znavljanja postojeće opreme i potrošnog materijala u upotrebi, kao i vršenje redovnog godišnjeg popisa imovine i obaveza Agencije na dan 31.12.2023. godine,
- pravovremena i kvalitetna izrada Dokumenta okvirnog budžeta (DOB) i Srednjoročnog plana rada Agencije za period 2024-2026,
- definisanje zahtjeva za budžet 2024. godine, u skladu sa realnim potrebama Agencije,
- izrada i analiza tromjesečnih, polugodišnjeg i godišnjeg izvještaja o izvršenju budžeta Agencije,
- vođenje knjigovodstvene evidencije i blagajničkog poslovanja, obračun plata i naknada zaposlenih u Agenciji,
- jačanje sistema finansijskog upravljanja i kontrole (FUK), na način da svi zaposleni daju svoj doprinos u tom procesu,

- izrada plana edukacija svih zaposlenih, u skladu sa prethodno iskazanim pojedinačnim potrebama i usklađenim sa planom obuka Agencije za državnu službu BiH za 2024. godinu.

Redovno će se vršiti praćenje i procjena učinka, kao i izvještavanje o realizaciji planiranih projekata i aktivnosti. Uz pomoć i saradnju Kancelarije za reviziju institucija BiH i Jedinicom za internu reviziju Parlamentarne skupštine BiH planira se rješavanje i prevazilaženje svih uočenih slabosti i grešaka u poslovanju Agencije.

d) Odjeljenje za sukob interesa / Ured Komisije za odlučivanje o sukobu interesa

Ured Komisije za odlučivanje o sukobu interesa, čija je prevashodna i zakonom definirana uloga da obavlja stručne, administrativne i tehničke poslove iz nadležnosti Komisije će, u 2023. godini, obavljati poslove iz nadležnosti Komisije, a koje su usmjerene na provođenje Zakona o sukobu interesa u institucijama vlasti BiH, u skladu sa Planom provjera koji Komisija usvaja na početku svake godine.

e) Odjeljenje za podršku

Odjeljenje za podršku će tokom 2022. godine, u okviru svojih nadležnosti, pored stručne i profesionalne podrške rukovodstvu Agencije, pružiti podršku i ostalim organizacionim jedinicama Agencije u vezi sa obavljanjem poslova eksterne komunikacije i prezentacije u javnosti. Odjeljenje će, također, redovno ažurirati i, u skladu sa finansijskim mogućnostima institucije, unaprijediti postojeću ili u skladu sa mogućnostima izraditi novu web stranicu, te, u saradnji sa ostalim sektorima/odjeljenjima, izraditi plan objave informacija koje se odnose na rad Agencije.

Također, Odjeljenje za podršku planira, u skladu sa finansijskim mogućnostima institucije, predložiti i izradu kvartalnog/polugodišnjeg biltena ili promo materijala o radu Agencije, te pružiti redovnu promotivnu podršku organiziranju godišnje konferencije posvećene 9. decembru – Međunarodnom danu borbe protiv korupcije.

Odjeljenje za podršku će obavljati poslove unapređenja informacionog i komunikacionog sistema Agencije kao i održavanje istog, postupati po zahtjevima u skladu sa Zakonom o slobodi pristupa informacijama u BiH, ažurirati i održavati web stranicu Agencije, pripremanja, objedinjavanja izvještaja o radu, programa rada, kao i organizovanje sjednica Stručnog kolegija.

Pored navedenog Odjeljenje za podršku će raditi na provođenju sljedećih aktivnosti:

- unaprijediti transparentnosti u radu Agencije,
- unaprijediti proaktivnost u radu Agencije (javna dostupnost informacija, uz korištenje svih raspoloživih kanala i formata, kako bi brže stigle do ciljne javnosti),
- otvoriti nove komunikacijske kanale uz podršku menadžmenta Agencije, a u skladu sa preporukama proizašlim iz projekta pod nazivom „Izrada i provedba istraživanja

zadovoljstva korisnika uslugama Agencije“ koji je proveden u saradnji sa PARCO i nevladinom organizacijom INFOHOUSE

- unaprijediti komunikaciju sa ciljnom javnosti, institucijama i organizacijama, ali i internu komunikaciju u Agenciji,
- unaprijediti internu komunikaciju i afirmaciju rada web redakcije,
- postupati po Zakonu o slobodi pristupa informacijama u BiH, te blagovremeno informisati javnosti putem web stranice Agencije o zahtjevima za pristup informacijama i odgovorima na zahtjeve.

3) PROGRAMSKI CILJEVI ZA 2023. GODINU

U obavljanju zadataka iz svoje nadležnosti Agencija planira ostvariti sljedeće ciljeve u 2023. godini:

- a) Unapređenje saradnje antikorupcijskih tijela i institucija sa organizacijama civilnog društva, medijima i akademskom zajednicom;
 - b) Vršenje nadzora nad provođenjem mjera iz usvojenih planova integriteta te sačinjavanje zbirnih izvještaja o stanju integriteta u institucijama u BiH;
 - c) Ispunjavanje međunarodnih preporuka iz oblasti prikupljanja podataka o imovinskim podacima državnih službenika;
 - d) Jačanje etike i integriteta djece i omladine te promocija dobrih praksi;
 - e) Podizanje svijesti o pojavnim oblicima korupcije, štetnim posljedicama i mogućnosti suzbijanja korupcije;
 - f) Unapređenje proaktivne transparentnosti u procesima dodjeljivanja i utroška budžetskih sredstava od strane institucija, medija i nevladinih organizacija;
 - g) Unapređenje zakonodavnog okvira za borbu protiv korupcije u BiH;
 - h) Ispunjavanje preporuka iz domena međunarodnih obaveza BiH iz oblasti borbe protiv korupcije.
 - i) Jačanje mehanizama koordinacije borbe protiv korupcije (uspostava efikasnog sistema izvještavanja i razmjene informacija, ustupanje i razmjena alata i najboljih praksi u oblasti sprječavanja korupcije i to između Agencije, tijela za sprječavanje korupcije u BiH i nadležnih institucija sa javnim ovlaštenjima na svim nivoima vlasti u BiH), te razvoj i provedba antikorupcijskih politika u BiH;
 - j) Provedba mehanizama za efikasno postupanje u vezi sa prijavama korupcije i zaštitom prijavitelja;
 - k) Saradnja sa organizacijama civilnog društva u cilju provedbi zajedničkih aktivnosti vezanih za prevenciju korupcije.
- a) Jačanje sistema strateškog upravljanja i administracije (u cilju unapređenja i jačanja sistema strateškog planiranja u Agenciji i njegovog povezivanja s programskim budžetiranjem, kao ključne pretpostavke za uspješno upravljanje Agencijom)
 - b) Provođenje aktivnosti vezano za budžet Agencije (izrada operativnog plana za 2023. godinu, izrada Dokumenta okvirnog budžeta i Srednjoročnog plana rada Agencije za period 2024-2026. godina, godišnji izvještaj o realizaciji budžeta Agencije za 2022.

godinu, tromjesečno i polugodišnje izvještavanje o realizaciji budžeta Agencije za 2023. godinu, priprema budžeta za 2024. godinu).

- l) Unapređenje transparentnosti web stranice Agencije
- m) Unapređenje i održavanje informacionog i komunikacionog sistema Agencije
- n) Postupanje po zahtjevima u skladu sa Zakonom o slobodi pristupa informacijama

U tabelarnom pregledu koji slijedi, prikazane su konkretne aktivnosti za realizaciju svakog pojedinačnog cilja.

4) TABELARNI PREGLED PROGRAMSKIH CILJEVA ZA 2023. GODINU

PROGRAMSKI CILJ	AKTIVNOSTI	ROK	INDIKATOR REALIZACIJE
Unapređenje saradnje antikorupcijskih tijela i institucija sa organizacijama civilnog društva, medijima i akademskom zajednicom	<i>Unaprijediti i jačati saradnju sa OCD, udruženjima novinara i medijima i akademskom zajednicom u cilju borbe protiv korupcije</i>	Kontinuirano 2023. godine	Broj potpisanih memoranduma Broj zajedničkih aktivnosti/projekata
	<i>Razmjenjivati međunarodna iskustva i prakse sa OCD, udruženjima novinara, medijima i akademskom zajednicom u cilju unapređenja borbe protiv korupcije</i>	Kontinuirano 2023. godine	Broj održanih tematskih događaja Broj izvještaja/preporuka, zaključaka sa održanih događaja
	<i>Omogućiti OCD praćenje primjene planova integriteta i planova borbe protiv korupcije na svim nivoima u BiH</i>	2023. godine	Broj dostavljenih informacija o primjeni planova integriteta i planova borbe protiv korupcije po zahtjevu OCD
	<i>Provoditi antikorupcijske projekte tijela za sprječavanje korupcije u BiH i institucija sa antikorupcijskim nadležnostima sa akademskom zajednicom, medijima i OCD</i>	Kontinuirano 2023. godine	Broj realiziranih projekata Broj informacija o rodnoj zastupljenosti prilikom provedbe projektnih zadataka
	<i>Kreirati ujednačene smjernice za saradnju sa akademskom zajednicom, medijima i OCD u definiranju politika za efikasnu borbu protiv korupcije u BiH</i>	2023. godine	Kreirane ujednačene smjernice i objavljene na web stranici Agencije
Vršenje nadzora nad provođenjem mjera iz usvojenih planova integriteta te sačinjavanje zbirnih izvještaja o stanju integriteta u institucijama u BiH	<i>Pružanje pomoći institucijama kod kreiranja planova integriteta</i>	Kontinuirano 2023. godine	Broj održanih edukacija Broj održanih radno-konsultativnih sastanaka Broj službenika koji prisustvovalu sastancima/edukacijama
	<i>Vršiti nadzor nad provođenjem mjera iz usvojenih planova integriteta</i>	Kontinuirano 2023. godine	Broj dostavljenih izvještaja o provođenju mjera iz usvojenih planova integriteta

	<i>Sačinjavanje i objava zbirnog izvještaja o stanju integriteta u bh. institucijama</i>	Zadnji kvartal 2023. godine	Sačinjen i objavljen zbirni izvještaj o stanju integriteta u bh. institucijama
	<i>Unapređenje kulture integriteta i etičnosti u institucijama sa javnim ovlaštenjima u BiH kroz održavanje periodičnih edukacija</i>	Kontinuirano 2023. godine	Broj prisutnih na održanim edukacijama
	<i>Ažuriranje aplikativnog softvera za elektronsku izradu planova integriteta u bh.institucijama (CRA software)</i>	Zadnji kvartal 2023. godine	Aplikativni software ažuriran i pušten u primjenu
	<i>Upoznavanje koordinatora integriteta te kontakt osoba u institucijama u vežano za praktičnu primjenu CRA aplikacije za izradu planova integriteta u svim institucijama u BiH</i>	Zadnji kvartal 2023. godine	Koordinatori integriteta i kontakt osobe su upoznati sa praktičnom primjenom CRA aplikacije. Materijali i video tutorijal o načinu izrade plana integriteta dostavljeni koordinatorima integriteta te kontakt osoba u instotucijama
Ispunjavanje međunarodnih preporuka iz oblasti prikupljanja podataka o imovinskim podacima državnih službenika	<i>Razvijanje i promovisanje metodologije za prikupljanje podataka o imovinskim podacima državnih službenika</i>	2023. godine	U skladu sa OECD smjernicama, metodologija definisana te objavljena na službenoj web stranici APIK-a
	<i>Unapređenje saradnje sa Agencijom za državnu službu, Agencijom za zaštitu ličnih podataka, VSTV BiH, Tužilaštvom i Sudom BiH te OCD</i>	Kontinuirano 2023. godine	Broj održanih tematskih sastanaka sa ciljem unapređenja saradnje i razmjene iskustava između zainteresovanih aktera (bh. institucija)
	<i>Jačanje saradnje sa međunarodnim organizacijama i zemljama regiona sa ciljem razmjene iskustava</i>	Kontinuirano 2023. godine	Broj održanih tematskih sastanaka sa međunarodnim organizacijama i zemljama regiona sa ciljem razmjene iskustava i dobrih praksi
Jačanje etike i integriteta djece i omladine i promocija dobrih praksi	<i>Stručno usavršavanje nastavnog kadra u oblasti antikorupcije, etike i integriteta kroz održavanje periodičnih edukacija/sastanaka</i>	Kontinuirano 2023. godine	Broj održanih edukacija/sastanaka nastavnog kadra osnovnog i srednjeg obrazovanja
	<i>Provođenje javnog poziva za učešće učenika za dostavljanje likovnih i literarnih radova iz oblasti antikorupcije</i>	Kontinuirano 2023. godine	Javni poziv proveden Broj dostavljenih učeničkih radova Broj nagrađenih učenika
	<i>Objavljivanje nagrađenih radova u kalendarima Agencije za 2024. godinu</i>	Zadnji kvartal 2023.godine	Broj štampanih kalendara Agencije za 2024. godinu Štampani kalendari poslati bh.institucijama, Ministarstvima obrazovanja, školama, OCD
	<i>Podizanje svijesti staratelja / roditelja u oblasti antikoruptivnog odgoja kroz obrazovni sistem</i>	Kontinuirano 2023. godine	Broj održanih sastanaka sa ministarstvima obrazovanja; Izveštaji ministarstava obrazovanja u BiH i tijela za sprječavanje korupcije

Podizanje svijesti o pojavnim oblicima korupcije, štetnim posljedicama i mogućnostima suzbijanja korupcije	<i>Izrađivanje i promocija antikorupcijskih on-line alata kroz otvaranje profila na društvenim mrežama</i>	2023. godine	Otvoreni profili na društvenim mrežama (Facebook, Instagram, Twitter); Broj kreiranih on-line alata (mobilne aplikacije) u cilju podizanja svijesti građana o štetnosti korupcije
	<i>Provođenje antikoruptivne kampanje putem društvenih mreža.</i>	Kontinuirano 2023.	Broj kreiranih i provedenih antikoruptivnih kampanja putem društvenih mreža
	<i>Pripremanje i provođenje kampanje u vezi sa štetnim posljedicama korupcije po građane</i>	Kontinuirano 2023.	Broj provedenih kampanja u saradnji sa institucijama u BiH, OCD, medijima i akademskom zajednicom
	<i>Uspostavljanje saradnje sa javnim emiterima na planu emitiranja programa iz oblasti etike i integriteta sa ciljem jačanja moralnih vrijednosti</i>	2023. godine	Broj potpisanih memoranduma Broj emitovanih emisija
Unapređenje proaktivne transparentnosti u procesima dodjeljivanja i utroška budžetskih sredstava od strane institucija, medija i nevladinih organizacija	<i>Uspostavljanje jasnih kriterija za dodjeljivanje finansijskih sredstava iz budžeta medijima i OCD</i>	2023. godine	Kriteriji definisani i objavljeni
	<i>Osiguranje proaktivne transparentnosti postupaka za dodjeljivanje finansijskih sredstava iz budžeta organizacijama civilnog društva i medijima</i>	Kontinuirano 2023. godine	Podaci o dodijeljenim sredstvima iz budžeta javno dostupni
	<i>Uvođenje obaveze za sve institucije u BiH da javno objavljuju podatke o iznosu i namjeni sredstava koja dodjeljuju organizacijama civilnog društva i medijima</i>	Kontinuirano 2023. godine	Podaci objavljeni na web stranicama institucija
	<i>Osiguranje proaktivne transparentnosti o utrošku finansijskih sredstava dodjeljenih iz budžeta organizacijama civilnog društva i medijima</i>	Kontinuirano 2023. godine	Izveštaji o utrošku budžetskih sredstava javno objavljeni na web stranicama institucija koje su dodjelile sredstva OCD; Izveštaji o utrošku budžetskih sredstava javno objavljeni na web stranicama institucija koje su dodjelile sredstva medijima
	<i>Osiguranje proaktivnog objavljivanja informacija o finansijskom poslovanju javnih medija u BiH</i>	Kontinuirano 2023. godine	Informacije o finansiranju javnih medija u BiH dostupne na web stranicama
	<i>Osiguranje transparentnosti vlasničke strukture medija u BiH u skladu sa Zakonom o zaštiti ličnih podataka</i>	Kontinuirano 2023. godine	Javno dostupni podaci o vlasničkoj strukturi medija na osnovu podataka iz sudova u BiH
Unaprjeđenje zakonodavnog okvira za borbu protiv korupcije u BiH	<i>Davanje mišljenja na propise u skladu sa procedurama predviđenim u Jedinstvenim pravilima za izradu pravnih</i>	Kontinuirano 2023. godine	Broj datih mišljenja.

	<i>propisa u institucijama BiH i Zakonom o Agenciji</i>		
	<i>Iniciranje izmjena i dopuna antikorupcijskih zakona kao i inicijativa za usvajanje novih zakonskih rješenja sa ciljem unaprjeđenja borbe protiv korupcije</i>	Kontinuirano 2023. godine	Broj iniciranih izmjena i dopuna antikorupcijskih zakona Broj inicijativa za usvajanje novih zakonskih rješenja
	<i>Prikupljanje i analiza statističkih podataka iz oblasti prevencije korupcije, te objavljivanje rezultata istraživanja iz oblasti prevencije korupcije</i>	Kontinuirano 2023. godine	Broj izrađenih analiza
	<i>Saradnja sa međunarodnim naučnim, stručnim i nevladinim organizacijama</i>	Kontinuirano 2023. godine	Broj učešća na seminarima, konferencijama, okruglim stolovima, obukama
Ispunjavanje preporuka iz domena međunarodnih obaveza BiH iz oblasti borbe protiv korupcije	<i>Kontinuirano praćenje i provođenje preporuke Evropske komisije i međunarodnih organizacija i institucija za borbu protiv korupcije</i>	Kontinuirano 2023.	Broj datih i provedenih preporuka međunarodnih organizacija i institucija za borbu protiv korupcije Kontinuirano praćenje i ispunjavanje dijela obaveza vezano za 14 ključnih prioriteta iz Mišljenja Evropske komisije za BiH i Izvještaja o napretku BiH
	<i>Redovno praćenje primjene međunarodnih propisa i ugovora i povratno informisanje međunarodnih aktera o njihovoj provedbi (UNCAC/GRECO/OECD)</i>	Kontinuirano 2023.	Broj dostavljenih informacija prema međunarodnim akterima o provedbi međunarodnih propisa i ugovora o postignutim rezultatima u izvještajnom periodu. Povratno informisanje međunarodnih aktera o provedbi međunarodnih propisa i ugovora kao što je Upitnik OECD i SIGMA, te izvještavanje Konferencije država članica Konvencije UN-a protiv korupcije o postignutim rezultatima u izvještajnom periodu.
	<i>Redovno informisanje nadležnih tijela i institucija u BiH o obavezama koje proizlaze iz međunarodnih pravnih instrumenata</i>	Kontinuirano 2023.	Broj pisanih izvještaja/informacija dostavljenih nadležnim institucijama Nadležna tijela i institucije u BiH su redovno informisana o obavezama koje proizilaze iz preporuka Izvršnog sažetka UNCAC-a u BiH, poglavlje II - Preventivne mjere. Pisani izvještaji o informacijama dostavljeni su nadležnim institucijama a iz djelokruga međunarodnih organizacija.
	<i>Koordinacija aktivnosti, saradnja i učestvovanje Agencije u projektima, aktivnostima i događajima u kontekstu ostvarivanja</i>	Kontinuirano 2023.	Broj održanih sastanaka i projekata sa predstavnicima EPAC/EACN mreže Koordinirane aktivnosti saradnje i učešća Agencije sa EPAC/EACN

	<i>međunarodne i regionalne saradnje (EPAC/EACN)</i>		mrežom, razmjene dobre prakse među članicama mreže. Učešće Agencije u istraživanjima koje provodi EPAC/EACN mreža
	<i>Saradnja i razmjena informacija u okviru Globalne operativne mreže organa za provođenje zakona za borbu protiv korupcije (GlobE Network)</i>	Kontinuirano 2023.	Aktivnosti u okviru Globe mreže se provode prema potrebi i zahtjevima.
	<i>Prikupljanje informacija, analitička obrada i redovno izvještavanje međunarodnih organizacija i institucija o napretku u kontekstu evropskih integracija (Odbora za stabilizaciju i pridruživanje EU i BiH, Pododbora za pravdu, slobodu i sigurnost sa EU, izvještaji o napretku BiH, itd.) itd.)</i>	Zadnji kvartal 2023.	Broj prikupljenih i analitički obrađenih informacija te slanje međunarodnim organizacijama i institucijama Informacije prikupljene, analitički obrađene. Izvještaji o napretku u kontekstu evropskih integracija redovno se dostavljaju međunarodnim organizacijama i institucijama.
Jačanje mehanizama koordinacije borbe protiv korupcije (uspostava efikasnog sistema izvještavanja i razmjene informacija, ustupanje i razmjena alata i najboljih praksi u oblasti sprječavanja korupcije i to između Agencije, tijela za sprječavanje korupcije u BiH i nadležnih institucija sa javnim ovlaštenjima na svim nivoima vlasti u BiH), te razvoj i provedba antikorupcijskih politika u BiH	<i>Jačanje koordinacije među tijelima za sprečavanje korupcije u BiH i stručna podrška u procesima njihovog normativnog pozicioniranja i razvoja kapaciteta</i>	Kontinuirano 2023.	Broj održanih koordinacijskih i radnih sastanaka; Broj profesionaliziranih struktura tijela u BiH.
	<i>Iniciranje aktivnosti usmjerenih na uspostavu efikasnog sprečavanja korupcije na nivou lokalnih zajednica</i>	Kontinuirano 2023.	Osmišljeno i inicirano idejno rješenje
	<i>Pravovremena priprema u vezi sa efikasnom koordinacijom i implementacijom specifičnih mjera i aktivnosti iz nadležnosti Sektora</i>	Prvi kvartal 2023.	Sačinjen i iskomuniciran plan provedbe Smjernica za strateško planiranje antikorupcijskih politika u BiH, inicirana provedba specifičnih mjera, osiguran monitoring provedbe mjera, periodični izvještaji kreirani.
Provedba mehanizama za efikasno postupanje u vezi sa prijavama korupcije i zaštitom prijavitelja	<i>Unos i obrada podataka u Baze i prateće aplikacije shodno pisanim provedbenim procedurama</i>	Kontinuirano 2023.	Registar uspostavljen. Podaci iz prijava se analitički obrađuju. Kreirani mjesečni analitičko statistički izvještaji iz ove oblasti.
	<i>Kontinuirano educirati i promovisati zaštitu lica koja prijavljuju korupciju u institucijama BiH</i>	Kontinuirano 2023.	Broj provednih edukacija i promotivnih kampanja
Saradnja sa organizacijama civilnog društva u cilju provedbi zajedničkih aktivnosti vezanih za prevenciju korupcije	<i>Osigurati stručnu podršku i inicirati rad Savjetodavnog tima za reviziju i koordinaciju implementacije UN Konvencije za borbu protiv korupcije u Bosni i Hercegovini</i>	Kontinuirano 2023.	Savjetodavni tim uspostavljen, osigurana podrška- u radu Tima kao i koordinacija zajedničkih aktivnosti javnog i nevladinog sektora u antikorupcijskim naporima. Osmišljene i provedene promotivne aktivnosti usmjerene na značaj provedbi odredbi UN

			Konvencije za borbu protiv korupcije u BiH.
	<i>Planirati i provoditi antikorupcijske projekte usmjerene na borbu protiv korupcije, s ciljem rješavanja identificiranih problema ili zagovaračkih inicijativa usmjerenih ka višim razinama vlasti. koje će tijela za sprječavanje korupcije i institucije sa antikorupcijskim nadležnostima zajednički provoditi sa OCD.</i>	Kontinuirano 2023.	Zajednički projekti osmišljeni i isti se provode, informacije o njima dostupne su javnosti
Jačanje sistema strateškog upravljanja i administracije	<i>Redovne upravljačke aktivnosti, strateško, operativno i finansijsko planiranje</i>	-po pozivu direktora (kolegij) -u skladu sa instrukcijama MFT BiH (planovi)	Broj održanih redovnih sjednica kolegija u odnosu na 2022. godinu, Postotak realizacije godišnjih finansijskih i operativnih planova
	<i>Izrada mjesečnih izvještaja o radu zaposlenih</i>	-do 5. u mjesecu za prethodni mjesec	Broj realizovanih u odnosu na broj planiranih mjesečnih izvještaja.
	<i>Suradnja sa Kancelarijom za reviziju institucija BiH i Jedinicom za internu reviziju PS BiH</i>	-po najavi revizije i u skladu sa zadatim rokovima (eksterna revizija) -prema planu Jedinice za internu reviziju	Broj preporuka i sugestija revizije u odnosu na broj u istom prethodnom periodu; Postotak realizovanih preporuka i sugestija za protekli period
	<i>Izrada godišnjeg izvještaja o finansijskom upravljanju i kontroli (GI-İK) za 2022. godinu</i>	-do 15. februara 2023. godine	Procent učešća zaposlenih u izradi ovog izvještaja; postotak realizovanih aktivnosti koje utiču na smanjenje ili izbjegavanje registrovanih rizika u poslovnim aktivnostima
Provođenje aktivnosti vezano za budžet Agencije	<i>Izrada DOB-a i nacrt Srednjoročnog plana Agencije za period 2024-2026, izrada zahtjeva za budžet 2024. godine, kao i donošenje Srednjoročnog plana Agencije</i>	-do 15.04.2023. (DOB) -do 01. 07.2023. (nacrt Sred. plana) -do roka datog u instrukciji MFT BiH (zahtjev) -do 30.09.2023. (donošenje Sred. plana)	Odnos planiranih sredstava za 2023. godinu u DOB-u i odobrenom budžetu za 2023. godinu (pokazatelj realnog planiranja)
	<i>Izrada operativnog plana za 2023. godinu, u skladu sa odobrenim budžetom</i>	-prema instrukciji MFT BiH	Postotak izvršivosti OP, tj, da li OP omogućio nesmetano i redovno odvijanje poslovnih aktivnosti i realizaciju stvorenih obaveza
	<i>Kvartalno, polugodišnje i godišnje izvještavanje o realizaciji budžeta Agencije za 2023. godinu</i>	-prema instrukciji MFT BiH	Postotak realizacije budžeta u odnosu na plan
	<i>Realizacija Plana nabavki za 2023. godinu</i>	-u skladu sa zadatim rokovima	Broj realizovanih u odnosu na broj planiranih nabavki.

		u Planu javnih nabavki	Postotak realizacije odobrenih sredstava za realizovane nabavke.
Unapređenje transparentnosti web stranice Agencije	<i>Redovno održavanje i unapređenje komunikacije, kao i saradnja i koordinacija u radu web redakcije s ciljem kvalitetnog uređenja web stranice Agencije</i>	Kontinuirano 2023.	Uspostavljena redovna komunikacija. Blagovremena i kvalitetna razmjena informacija i dostava podataka.
	<i>Unaprijeđen nivo transparentnosti web stranice Agencije</i>	Kontinuirano 2023.	Ispunjeni dodatni Standardi proaktivne transparentnosti, dokumenta ažurirana
	<i>Otvoriti nove komunikacijske kanale uz podršku menadžmenta Agencije i unaprijediti postojeće</i>	Decembar 2023	Otvoren fb profil Agencije i unaprijeđen postojeći yoututbe kanal
Unapređenje i održavanje informacionog i komunikacionog sistema Agencije	<i>Redovno održavanje i nadogradnja radnih stanica, održavanje i ažuriranje operativnih sistema i aplikativnih programa.</i>	Kontinuirano 2023.	Radne stanice funkcionalne. Operativni sistemi i aplikativni programi blagovremeno ažurirani i nadograđeni u skladu sa hardverskim mogućnostima.
	<i>Redovno održavanje servera i mrežne opreme, održavanje i ažuriranje operativnog sistema servera i konfiguracija mrežne opreme.</i>	Kontinuirano 2023.	Server i mrežna oprema funkcionalni. Operativni sistemi ažurirani, mrežna oprema konfigurisana, podešeni servisi za aplikacije u produkciji.
	<i>Aplikativna i sistemska podrška korisnicima informacionog i komunikacionog sistema</i>	Kontinuirano 2023.	Aplikativna i sistemska podrška korisnicima pružena prema broju zahtjeva.
Postupanje po zahtjevima u skladu sa Zakonom o slobodi pristupa informacijam u BiH	<i>Koordiniranje aktivnosti organizacionih jedinica prilikom pribavljanja i objedinjavanja odgovora na zahtjeve tražilaca informacija</i>	Kontinuirano 2023.	Blagovremeno pripremljeni i dostavljeni odgovori tražiocima informacija u skladu sa Zakonom o slobodi pristupa informacija u BiH

DIREKTOR

Elvis Kondžić

Istočno Sarajevo, . godine
Broj: 01-_____/ 22 .